



Lêerno.: 18/5/5  
Verwysing: 20240806-5740

Omsendbrief: 0023/2024

Vervaldatum: 31 Maart 2026

Aan: Adjunk-direkteurs-generaal, Hoofdirekteure, Directeure, Kringbestuurders, Hoofde: Bestuur en Beheer, Adjunkdirekteure by distrikskantore, Prinsipale en Voorsitters van beheerliggame van alle artikel 21 gewone openbare skole

Kort opsomming: Besonderhede van die finansiële toewysing aan artikel 21-skole vir die 2025/26-boekjaar en riglyne vir die verkryging van goedere en dienste.

**Onderwerp: Artikel 21-skole: Norme-en-standaarde-befondsing vir skole, graad 1 tot 12 – finansiële toewysings vir die 2025/26-boekjaar**

1. **Toewysing**

- 1.1 Die voorlopige norme-en-standaarde- (N&S-) toewysings vir artikel 21-skole vir die volgende drie jaar, vir die tydperk vanaf 01 April 2025 tot 31 Maart 2028, is op SOBIS beskikbaar. Toegang daartoe kan verkry word deur die volgende te doen:
  - Teken aan op SOBIS.
  - Klik "Proceed". Kies dan die "Administration"-opsie op die kieslys en klik op "Norms and Standards Allocation". Kies "N&S 2025/26".
  - Maak 'n drukstuk van die bladsy.
- 1.2 Toewysings word bereken ooreenkomsdig die voorskrifte in paragraaf 108 tot 114 van die Nasionale Norme en Standaarde vir Skoolbefondsing (NNSSB), soos gepubliseer in Staatskoerant No. 29179 van 31 Augustus 2006.
- 1.3 Volgens paragraaf 110 van die NNSSB, du die Nasionale Teikentabel, soos gepubliseer in Staatskoerant No. 50057 van 01 Februarie 2024, die getekende bedrag per leerder vir 2025 aan. Die geenskoolgelddrumpel sal R1 754 wees.

**Nasionale teikentabel vir die skooltoewysing vir graad 1 tot 12 (2025 tot 2027)**

Nasionale kwintiel- en skoolgeldstatus	Toewysing per leerder		
	2025	2026	2027*
NK1–NK5 <b>Geen skoolgelde</b>	R1 754	R1 836	R1 919
NK4 <b>Skoolgelde betaalbaar</b>	R879	R920	R961
NK5 <b>Skoolgelde betaalbaar</b>	R301	R315	R329
Geenskoolgelddrumpel	R1 754	R1 836	R1 919

\* 2027 aangepas met geprojekteerde inflasiekoers

- 1.4 Die voorlopige toewysings is op grond van 2024 se 10de dag Kitsopname-inskrywings bereken.
- 1.5 Die Wes-Kaapse Onderwysdepartement (WKOD) sal alle skole se toewysings teen 2025 se 10de dag Kitsopname nagaan.
- 1.6 **Finale toewysingsbriewe** sal teen 15 April 2025 op SOBIS gepubliseer word.
- 1.7 Skole wat skoolgelde hef sal, waar van toepassing, aanvullende befondsing ontvang waar die som van hul skoolgelde vir 2024 en hul N&S-toewysing per leerder vir 2025/26 laer is as die norm van geen skoolgelde per leerder.
- 1.8 **Die fondse wat ingevolge hierdie omsendbrief toegewys is, moet teen 31 Maart 2026 bestee word.**

## 2. **Betalingskedule**

### 2.1 **Skole wat skoolgelde hef**

Skole sal hul N&S-toewysing vir die 2025/26-boekjaar in twee betalings ontvang, naamlik 60% in April–Mei 2025 en 40% in Oktober–November 2025. Artikel 21-skole moet hul eerste oordragbetaling (60%) gebruik om hul leer-en-onderrigondersteuningsmateriaal (LOOM) en Inligtingstegnologie- (IT-) verwante LOOM/hulpbronne vir die verbetering van digitale en gemengde leer vir 2025, via hul eie verskaffers of die aanlynbestelstelsel aan te koop sodat dit voor die einde van September 2025 beskikbaar sal wees, en om vir ander uitgawes te betaal, soos in paragraaf 3 hieronder uiteengesit. Die tweede oordragbetaling (40%) moet gebruik word om toepaslike skoolverwante uitgawes tot en met 31 Maart 2026 te dek. Waar die WKOD enige LOOM namens skole aanskaf, sal sodanige koste van die tweede oordragbetaling afgetrek word.

## 2.2 Geenskoolgeldskole

Van die totale N&S-toewysing wat in April–Mei 2025 oorbetaal word (kyk paragraaf 2.1 hierbo), moet 20% teruggehou word vir die lopende bedryf van **niepersoneeluitgawes**. Skole sal in die N&S-toewysingsbrief van hierdie bedrag in kennis gestel word. Hou in gedagte dat hierdie bedrag die skool tot April 2026 moet onderhou wanneer betaling vir die volgende boekjaar ontvang sal word.

### 3. Benutting van die toewysing

- 3.1 Die N&S-toewysing is bedoel om niepersoneelitems, asook normale herstelwerk en instandhouding aan die skool se fisiese infrastruktur te dek.
- 3.2 Die N&S-toewysing mag die minimum uitgawes dek wat met die volgende verband hou:
  - (a) LOOM (kyk paragraaf 3.5 hieronder vir die lys items wat by LOOM ingesluit is).
  - (b) IT-verwante LOOM en/of digitale hulpbronne vir die verbetering van e-Leer, wat aangewend behoort te word om programmatuur (sagteware) aan te vra, lisensies en intekengeld vir opvoedkundige programmatuur (sagteware), aanlyn aansoeke en die hernuwing van kontrakte of die eiendomsreg op digitale hulpbronne om e-Leer te verbeter, wat versoenbaar is met die IT-apparatuur (hardware) (rekenaars, ens.) wat tans by die skool gebruik word.
  - (c) Plaaslike aankope, wat skoonmaakmiddels/-toerusting, oorpakke vir skoonmakers en terreinpersoneel, persoonlike beskermende toerusting/klere, fotokopieermasjiene, telefoonotoerusting, interkomstelsels, geslotekring-televisiestelsels insluit.
  - (d) Diensterekeninge (munisipale of Eskom-dienste).
  - (e) Noodsaaklike daaglikse instandhouding van skoolgeboue, terreine en toerusting (ongeskeduleerde instandhouding) en herstelwerk om die skool te beveilig.
  - (f) Ander lopende uitgawes, waarby werksessiegelde, TV-lisensies, Internetdiensverskaffers, skoollidmaatskap van opvoedkundige verenigings, posgeld, telefoonoproep, huur van toerusting, ouditeringsgeld, bankkostes, regsdienste, reclame, sekuriteitsdienste, openbare vervoer of leerdervervoer, huur van voertuie, versekerings en kopieerdienste ingesluit is.
- 3.3 Eie inkomste, soos in paragraaf 6 hieronder bedoel, moet eers gebruik word om tekorte in bogenoemde verband te dek voordat dit aangewend word vir die finansiering van beheerliggaamposte.
- 3.4 **Daar word aanbeveel dat skole hul beskikbare toewysing vir 2025/26 soos volg tussen die onderskeie uitgawekategorieë verdeel:**
  - 25% vir LOOM-bestellings vir 2026: elke leerder moet 'n handboek vir elke vak hê en 10% moet vir biblioteekmateriaal gebruik word. Die voorraad skoolbiblioteekmateriaal moet jaarliks aangevul word totdat die totale getal items die minimum internasionale standaard van 10 items per leerder weerspieël.

- 15% vir plaaslike aankope.
- 10% vir IT-verwante LOOM en/of digitale hulpbronne vir die verbetering van e-Leer.
- 25% vir diensterekeninge (munisipale/Eskom-rekeninge) (**skole moet egter begroot vir 'n groter persentasie as uitgawetendense dit noodsaak**).
- 20% vir instandhouding (**waarvan 25% van hierdie toewysing vir herstelwerk om die skool te beveilig, opsy gesit behoort te word**).
- 5% vir ander lopende uitgawes.

### 3.5 Leer-en-onderrigondersteuningsmateriaal (LOOM)

- (a) Die Departement van Basiese Onderwys (DBO) definieer LOOM as enige materiaal wat onderrig en leer direk in die klaskamer of by die huis (tuiswerk) ondersteun en fasiliteer. Dit sluit die volgende in:
- Handboeke, leesboeke, naslaanboeke, voorgeskrewe werke, atlasse en woordeboeke
  - Werkboeke
  - Plakkate, land- en muurkaarte
  - Opvoedkundige bordspeletjies
  - Biblioteekmateriaal (fiksie en niefiksie), naslaanboeke, plakkate en video-opnames, DVD's, CD's, multimedia, ens.
  - Rekenaarprogrammatuur (sagware) en lisensies
  - Hulpbronmateriaal vir opvoeders, leerders, klaskamers en biblioteke
- (b) Daar word van skole verwag om hul volle LOOM-toewysing te gebruik vir die aankoop van LOOM wat die implementering van die Kurrikulum- en assesseringsbeleidsverklaring (KABV) in hul klasse sal verryk en versterk. Skole word dus aangemoedig om hul LOOM-toewysing vir die aankoop van aanvullende handboeke, voorgeskrewe werke, atlasse, woordeboeke, werkboeke, plakkate, landkaarte, muurkaarte, opvoedkundige bordspeletjies, biblioteekmateriaal (fiksie en niefiksie), naslaanboeke, video-opnames, DVD's, CD's, rekenaarprogrammatuur (sagware), sowel as toerusting vir Verbruikerstudies, Gasvryheidstudies en die wetenskaplaboratorium te benut.
- (c) LOOM-befondsing behoort ook vir intekengeld, aanlyn aansoeke en die hernuwing van kontrakte of eiendomsreg op digitale hulpbronne oorweeg te word. Dit stel skole in staat om LOOM-befondsing te gebruik om digitale hulpbronne aan te skaf in die oorgang van tradisionele na digitale leer. Sulke hulpbronne sluit e-boeke sowel as opvoedkundige programmatuur (sagware) in. Die koste daaraan verbonde is tans soortgelyk aan tradisionele gedrukte handboeke en daar is min/geen noemenswaardige vermindering in koste nie. Daar moet voorsiening gemaak word sodat skole op hierdie dienste/produkte kan inteken.
- (d) Onderhewig aan die volgende voorwaardes kan skole minder geld aan LOOM toewys indien:
- elke leerder in die skool oor 'n handboek vir elke vak besik en toegang tot ander LOOM-hulpbronne het;

- die skool jaarliks 10% van die LOOM-toewysing vir die aankoop van biblioteekmateriaal toegewys het om die biblioteekvoorraad aan te vul en die totale getal items in die biblioteekvoorraad nou bestaan uit die minimum internasionale standaard van 10 items per leerder; en
- die beheerliggaam 'n formeel besluit aangaande hierdie afwyking geneem het. (Hierdie besluit van die beheerliggaam rakende die begroting wat by 'n ouervergadering voorgelê moet word, moet verduidelik word en die bedrag wat per leerder aan LOOM bestee is, moet voorsien word. Hierdie besluit moet by die ouervergadering voorgelê word, ongeag of dit deur die kringbestuurder ondersteun word of nie.).

(e) Hoe om LOOM te verkry:

- Artikel 21-skole moet mededingende kwotasies kry wanneer hulle hul bestellings by verskaffers van LOOM plaas, waarvan toepassing, of skole kan aanlyn bestel. Die WKOD stel skole jaarliks (deur middel van omsendbriewe en/of minute) oor die tydramwerke vir die bestelling van KABV-aanvullingshandboeke op SOBIS in kennis.
- Wanneer aanvullende LOOM bestel word, moet skole alle KABV-handboeke uit die goedgekeurde nasionale katalogusse kies – verwys na goedgekeurde nasionale katalogusse wat op die WKOD se webwerf beskikbaar is by <http://wcledonine.westerncape.gov.za/index.html>.
- Vir bystand met die kies van skoolbiblioteekmateriaal moet skole met mnr. Timothy Cloete, EDULIS-koördineerder: Skoolbibliotekdienste, by tel. 021 957 9626 in verbandtree. Die distrik se skoolbiblioteekadviseur en/of hulpbronsentrum-koördineerder kan ook in verband met die ontwikkeling van hul skoolbiblioteke gekontak word.

### 3.6 Municipale dienste

- (a) Die N&S-toewysing aan skole is bedoel vir die betaling van, onder andere, skole se maandelikse munisipalediensterekeninge, wat elektrisiteit, water, riool- en vullisverwydering (beskikbaarheid- en gebruikskostes) insluit, maar die betaling van eiendomsbelasting uitsluit. Soos in die verlede, sal die staat die eiendomsbelasting op eiendom wat in die naam van die Wes-Kaapse Provinsiale Regering (WKPR), of onder sekere omstandighede, die Republiek van Suid-Afrika (RSA) geregistreer is, betaal.
- (b) Skole moet steeds die besparingsmaatreëls wat in Bylae A aangedui word, implementeer.
- (c) Eskom en die meeste munisipaliteite het aangedui dat hulle meters vir voorafbetaalde elektrisiteit aan skole beskikbaar kan stel. Dit sal skole in staat stel om hul elektrisiteitsverbruik beter te beheer. Skole moet Eskom of hul plaaslike munisipaliteit kontak, soos van toepassing, indien hulle voorafbetaalde elektrisiteitsmeters wil laat installeer.

- (d) **Waar dit blyk dat skole nie hul municipalediensterekeninge vereffen nie, behou die WKOD die reg voor om geld uit die N&S-toewysing terug te hou om uitstaande municipalediensterekeninge namens die betrokke skole te vereffen.**
- (e) **Alle skole wat die slim watermeterloodsprojek aanvaar het en wat slim watermeters by hul skole geïnstalleer het, moet befondsing van die municipale toewysing opsy sit om die maandelikse slim watermeterkoste te dek.**

### 3.7 Daaglikse instandhouding

- (a) Daaglikse instandhouding is van toepassing op die instandhouding van terreine, reiniging, opknapping, beskermingsdienste, herstelwerk en/of vervanging van gedeeltes van skoolgeboue en sekuriteitsmeganismes. **Gereelde instandhouding moet gedoen word om die agteruitgang van skoolgeboue en noodherstelwerk as gevolg van verwaarloosing te verhoed.**
- (b) **Waar die N&S-toewysing vir daaglikse instandhouding onvoldoende is, word van skole verwag om, waar nodig, die toewysing uit hul eie inkomste aan te vul.**
- (c) Skole moet vir hul daaglikse instandhoudingsherstelwerk na gelang van die toestand van hul skoolgeboue en -terreine begroot.
- (d) Skole behoort ook 'n bedrag van hul jaarlikse toewysing vir daaglikse instandhouding opsy te sit vir die:
  - instandhouding van toerusting wat gebruik word om die skoolterrein te verbeter, bv. onderhoud van die grassnyer, die aankoop van verf vir tuinbanke op die skoolterrein, en die aankoop van kalk en kunsmis;
  - instandhouding van brandbestrydingstoerusting, d.w.s., brandslange, brandwiele, gesikte brandblussers, ens.;
  - noodinstandhouding van sekuriteitsmeganismes of beskermingsdienste wanneer die bestaande sekuriteitsmeganismes (met inbegrip van outomatiese hekke, hekmasjinerie, ens.) by die skool beskadig is as gevolg van inbraak, vandalisme of veroudering; en
  - instandhouding van omheining en ander sekuriteitsmeganismes (bv. alarms, interkomstelsels, ens.).
- (e) N&S-toewysings mag nie gebruik word vir daaglikse herstelwerk aan koshuise nie. Sodanige herstelwerk moet uit leerders se losiesgeld en beurse befonds word.

### 4. Die N&S-toewysing mag NIE vir die volgende gebruik word NIE:

- **Besoldiging van personeel wat deur die beheerliggaam aangestel is**
- **Nuwe geboue**
- **Koshuisuitgawes**
- **Lenings aan individue of ander inrigtings**
- **Enige kapitaalitems > R5 000**

## 5. Groot noodherstelwerk

Ingevolge paragraaf 97 van die NNSSB moet die DBO en/of die WKOD buiten die skooltoewysing, na hulpbronmeganismes soek om onder andere aandag te gee aan dringende herstelwerk aan die infrastruktur wat die direkte en/of indirekte gevolg is van historiese onbillikheid ten opsigte van uitgawes en natuurramp. Die volgende herstelwerk sal ooreenkomsig die Standaardbedryfsprosedures vir Noodinstandhouding in Wes-Kaapse Skole, 2021 oorweeg word:

### KATEGORIE A

**Ernstige skade:** Ernstige skade aan die infrastruktur as gevolg van historiese onbillikheid ten opsigte van uitgawes, natuurramp, struktuurfoute en/of brande wat 'n negatiewe impak op die voortgesette bedryfsvermoë van 'n skool het en/of 'n gesondheids- en veiligheidsrisiko vir leerders en/of personeel inhou.

Die WKOD sal die implementering van noodherstelwerk oorweeg as 'n skool nie die nodige beskikbare fondse het nie (die instandhoudingstoewysing is uitgeput), en/of nie die nodige vaardigheid het om sodanige werk uit te voer nie, mits die WKOD voldoende fondse beskikbaar het.

## 6. Eie inkomste

Ingevolge artikel 36(1) van die Suid-Afrikaanse Skolewet (SASW), 1996 (Wet 84 van 1996), moet beheerliggame alle redelike stappe doen om die staatshulpbronne aan te vul ten einde die gehalte van onderwys wat deur die skool **aan alle leerders by die skool** voorsien word, te verbeter. Alhoewel geenskoolgeldskole nie verpligte skoolgeld (met inbegrip van registrasiegeld) mag hef nie, word hulle aangemoedig om vrywillige bydraes (donasies) te werf en by fondsinsamelingsfunksies betrokke te raak.

## 7. Verslagdoening

- 7.1 Die goedgekeurde begroting van die skool moet jaarliks teen 01 Desember by die betrokke distrikskantoor ingedien word.
- 7.2 Alle skole moet binne 30 dae na die einde van die kwartaal (uitgawes tot 30 Junie en 31 Desember) 'n WKOD 043-vorm (sesmaandelikse verslag) by die betrokke distrikskantoor indien. Voorts vereis artikel 43(5) van die SASW dat skole (vir die aandag van die betrokke distriksdirekteur) jaarliks teen 30 Junie 'n afskrif van hul stel geouditeerde finansiële state vir die vorige akademiese jaar voorlê.

7.3 Fondse sal slegs aan 'n skool oorbetaal word as die distrikskantoor dit as finansieel gesond sertifiseer, gebaseer op die finansiële bedrywighede van vorige kwartale. **Voorts, indien 'n skool nie teen 13 Maart 2026 as finansieel gesond gesertifiseer word nie, sal die skool enige N&S-befondsing wat nog nie oorbetaal is nie, verbeur.**

## 8. Verdere voorwaardes

- 8.1 Die beheerliggaam moet behoorlike beheer oor inkomste en uitgawes uitoefen, soos uiteengesit in die *Handleiding: Basiese Finansiële Stelsel vir Skole*, uitgereik deur die Hoof van die Departement ingevolge artikel 37(1) van die SASW. Indien die lede van die beheerliggaam nie oor die nodige kundigheid beskik om hierdie funksie te verrig nie, moet hulle iemand koöpteer wat hulle kan help.
- 8.2 Alle skoolfondse, verky van die staatstoewysing en eie inkomste, moet aangewend word vir doeleindes wat direk met onderwys verband hou, soos bepaal in artikel 37(6) van die SASW, met inbegrip van die aankoop van LOOM. Ingevolge WKOD-beleid mag handboeke en leesboeke nie gefotokopieer word nie, aangesien dit neerkom op skending van die Wet op Outeursreg, 1978 (Wet 98 van 1978).
- 8.3 Die WKOD het die reg om skoolfondsrekords te ondersoek en teen enige lid van die personeel of die beheerliggaam op te tree indien hy of sy by die wanadministrasie van skoolfondse betrokke sou wees. Daarom moet skole alle bewyse van inkomste en uitgawes vir hierdie doel bewaar.

## 9. Onttrekking van beheerliggame se artikel 21-status

- 9.1 Ingevolge artikel 22 van die SASW, mag die Hoof van die Departement (HvD) al die funksies of enige funksies van 'n beheerliggaam, soos in artikel 21(1) beoog, op redelike gronde terugtrek.
- 9.2 Die beheerliggaam moet die doeltreffende bestuur en uitvoering van funksies verseker wat ingevolge artikel 21(1) van die SASW toegeken is, insluitend die ontwikkeling en implementering van beheermaatreëls in ooreenstemming met regulasies en riglyne wat deur die WKOD uitgereik is.

## 10. 2024/2025-toewysing

Daar moet voor of op **14 Maart 2025** aan alle vereistes wat in paragraaf 7 uiteengesit word, voldoen word om te voorkom dat onbetaalde fondse verbeur word.

11. **Kontaknommers vir navrae**

Onderwerp	Naam	Tel.
Sesmaandelikse WKOD 043-verslae en geouditeerde finansiële jaarstate	Adjunkdirekteur: Korporatiewe Dienste by distrikskantoor	Toepaslike distrikskantoor
Aankope van LOOM (WKOD 034), plaaslike aankope (WKOD 026) via SOBIS en aanlyn handboek- (KABV) bestellingsnavrae	Me. F Bedford Me. L John	021 467 2018 021 467 2345
Algemene navrae oor betalings	Me. N Mtongana Me. N Petersen Mnr. B Teyise	021 467 2703 021 467 2701 021 836 1306
Noodherstelwerk	Mnr. N Sutcliffe Mnr. T Barends Me. Z Gambula Mnr. C van den Heuvel	021 467 2568 021 938 3186 021 467 2091 044 803 8322
e-Leer EDULIS-koördineerder: Skoolbibliotekdienste	Me. M Jonas Mnr. T Cloete	021 828 3067 021 957 9626
Algemene navrae: Norme en Standaarde (navrae wat verband hou met oordragbetalings is uitgesluit)	Me. G Jini Mnr. L Sangqu Mnr. E Bezuidenhout E-posadres: <a href="mailto:WCED.NormsandStandards@westerncape.gov.za">WCED.NormsandStandards @westerncape.gov.za</a>	021 467 2191 021 467 2608 021 467 2192
Onttrekking van artikel 21-status	Mnr. D Louw Mnr. W Jantjies	021 467 2653 021 467 2613

**GETEKEN:** B WALTERS

**HOOF: ONDERWYS**

**DATUM:** 2024-08-21